

至正崑山郡志

崑山郡志序

崑山州揚才抱其先人履祥公所著州乘凡二十卷因其友素華謁予錢塘曰先君嘗以州之志籍多散漫疎漏更而新之積勞於是者蓋十餘年而獲成此編今州監字羅帖木爾將壽諸梓吾子與才蕭仝出浦城文公十葉後幸惠一言引諸首余謂金匱之編一國之史也圖經一郡之史也士不出戶而知天下之山川疆理

君臣政治要荒蠻貊之外類由國史之信也不  
入提封而知其人民城社田租土貢風俗異同  
戶口多少之差由郡史之信也然則操志筆者  
非有太史氏之才孰得與於斯乎吾曩入吳竊  
見公所著宋朝著龜之錄凡若干卷今之脩史  
者購之而未得也又一帝王圖辨素王道史姓  
氏通辨行於時吁公之博學有史才可占矣宜  
其成是書也立凡叙例言博而能要事核而不

蕪與前邑志不可同日較工拙也且吾聞崑山  
自縣陞州戶版與地利日增租賦甲天下州郡  
縣市賈之舶萃焉海艘之艘出焉庸田水道之  
利害在焉忠臣烈女代不乏絕鴻生碩士爭爲  
長雄不有史才者出而任筆削何以爲是州之  
信史哉吁是書之得託者今幸矣故余不辭爲  
之叙抑予又聞公所著著龜爲採書使者賺而  
去之而賞爵罔及焉此才之不平而公九泉之

憾也故併叙及之公諱諱字履祥東溪老人其  
自號云至正四年秋七月泰定李黼榜賜第二  
甲進士會稽楊維貞叙

崑山郡志目錄

第一卷

風俗

山

坊

園亭

堂庵軒樓附

冢墓

古蹟

第二卷

名宦

封爵

第三卷

進士

第四卷

人物

第五卷

人物

釋老

第六卷

土貢

土產

雜記

異事

崑山郡志卷第一

浦城楊諲纂

風俗

崑山自昔號壯邑事最繁劇仍太伯季札之風  
崇尚禮遜無復好劍多鬪之舊其民務耕織有  
常業多奢少儉競節物信鬼神歲節山寺有歲  
懺會一月士女駢闐車蓋相屬上元取鐙於郡  
有萬眼羅琉璃毬者甲天下鐙月交輝歌管間



作喧咽道路以糖糰春蠶爲節食爆糯穀名亭  
婁人各自爆以下一歲之休咎二月望景德寺  
有涅槃雙林會尤盛自三月旦爭朝嶽祠四月  
浮屠浴佛遍走閭里八日尼寺設飯茶供名無  
礙會望日慶山神誕縣迎神設佛老會以祈歲  
事里巷以伎樂送神白山塘至邑前幕次相屬  
紅翠如畫他州負販而來者駢集後二日觀角  
觝於山西八月望西津觀潮官設酤於問潮館

綵旗迎潮觀者如堵十月朔謁墓如寒食不賀  
朔謂之鬼節俗重冬至親朋饋送交馳於道臘  
月二十四祭竈婦女不與二十五日食赤豆粥  
下至婢僕猫犬皆有之有出外者亦分及名口  
數粥是日爆竹驅儺田家燃炬名照田蠶歲節  
祀先用除夜焚蒼术辟瘟丹家人酌酒分歲夜  
分祭瘟鬼易桃符白明打灰堆飲屠蘇此一歲  
風俗之大畧惟歲節冬至縣官率邑之富貴士

友聚拜於學之明倫堂會茶而散禮儀雍雍可  
觀始自樂庵李公行之後縣令項公澤又置田  
租以充所費云

王峯志

已而富家巨室公私交困

率多替徙市井蕭條如歲憾迎神賽林無礙會  
皆僅存其名其取鐙於郡與角觝觀潮等不復  
見矣續玉峯志歸附後世變風移不能無異矧  
今新治舊本墟落居民鮮少海道朱氏剪荆榛  
立第宅招徠蕃舶屯聚糧艘不數年間湊集成

市番漢間處閩廣混居各循土風習俗不一大  
抵以善貿易好市利尚虛禮美呼稱男子自幼  
即襲大人衣帽逮長不復冠其信鬼則又加於  
昔病或不事醫藥惟聽命於神祈賽施捨竭產  
不悔其朝嶽祠者比屋舉家歲往常熟之福山  
朝五通者遠至婺源之靈順凡有迎引競巧爭  
奇尤爲奢靡及文運肇興科舉薦復人皆知讀  
書爲貴弦誦之聲遍於閭里風俗爲之大變云

山

郡以山得名其山今隸華亭吳地記云陸氏之祖塋於此因生機雲皆負詞學時人以玉出崑岡而名焉今舊州主山蓋馬鞍山云

馬鞍山在舊治西北三里高七十丈上下前後皆擇勝爲僧舍雲窗霧閣間見層出吳人謂真山似假山也

坊

忠政坊趙忠簡府前

狀元坊

石浦

通德坊鄭大資府前

園亭堂庵軒樓附

士大夫生當其時則享園池之樂時之往也昔之繁華之地果安在哉將不免雍門周之誦乎故園亭雖廢亦書俾觀者有所警省

縣圃

孫氏園在舊治北

翁氏園在舊治西

陳氏園在舊治南

洪氏園在舊治東並淳祐以前廢

鄭氏園在舊治西北馬鞍山前海陵史君竦  
建繼又創退耕堂水竹環茂可容數十客  
寮張郡之書扁西礪葉丞相書廳之扁曰玉  
峯佳處園內西南又有道庭院植落花數百

本皆吳中所無者今廢

陳氏園在舊治東本洪氏小園後歸澹軒史君陳昌世恕齋洪端明堂扁以四時佳景澹軒之子師尹號石巖增創寬潔有堂曰光風霽月與鄭園退耕不相上下

衛氏園在石浦文節公後樂之地其後子姪各有園今並廢

陳氏園在漳潭水竹寬潔亭館宏麗東浦黃



簡記徐聞詩書

盛氏依綠園在高墟

自鄭園以下並今廢

放生池在清真觀石千里書扁御筆有碑邑

宰項公澤跋

東禪寺後圃池上茅亭吳仁傑取杜詩可以  
賦新詩之句名曰可賦范石湖多游息其中  
崑山亭邑人趙善訓史君所居距馬鞍山之  
陽二百弓而限以小溪吳仁傑取元次山溪

以語名旌吾獨有之句名曰崕山

玩芳亭邑人吳仁傑所居

自茅亭以下並舊廢

風雲竹月二亭在普照觀前

墨妙亭顧氏西園之亭也軍器同提舉顧信  
建在今三皇廟後中藏時賢趙文敏公子昂  
親札石刻甚富

逸野堂邑人王僖所居僖累試不第以讀書  
自娛鄉里推重教其姪孫葆爲名儒堂廢舊

十六觀堂卽其地或云非也

友順堂邑人衛文節公涇所居也涇未貴時  
與兄弟讀書於其間後功名各成乃招師教  
子弟此宋寧宗親灑宸翰書扁賜之今廢  
棲閤堂邑人龔昱所居也後廢

四賢堂在邑人李潛家潛之祖衡爲御史時  
以論張說去國同時得罪者王希呂周必大  
莫濟莊治作四賢詩以美之潛乃訪求三賢

遺像配以其祖置堂於家名曰四賢後堂隨  
宅售唯存繪像

喜廉堂在邑人陳吏部昌世家吏部自信守  
召爲郎天語有一廉可喜之譽遂以名其堂  
承訓堂在邑人鄭史君準家其子高郵守端  
葺而居之自謂不墜先訓故以名堂

止足堂在邑人鄭史君竦家史君薄於榮進  
家食踰十年不復作宦游想就其家西南築

宅一區取知止知足之義以名堂西澗葉丞相書扁

傳清堂在邑人陳令君明復家蓋取其祖父

清白相傳之義訥軒程丞相書扁

自喜康堂以下並歸

附後  
廢

資深堂在橘隱處士秦鼎家趙文敏公子昂書扁

樂庵在舊州東六里圓明村侍御李衡歸老

地也今廢

疊浪軒在馬鞍山北華藏教院下瞰湖濱一  
碧千頃詩人名公往往觴詠於此今湖皆爲  
田不復見舊觀或解扁字爲車於水宜良云  
滄江風月樓惠安樓二樓並在北巷口西舊  
酒館也

養壽樓在顧文安家趙文敏公子昂書扁  
高節樓在袁德家德母陳氏生德及三女年

二十七而寡義不再適以勤儉守家保育諸  
孤皆能成立其甥茅德潤與士大夫游共美  
其行相與揭其樓扁曰高節以旌之廣德錢  
冶爲之記

### 冢墓

吾邦四郊無曠土先賢故壟惟一邾氏他無聞  
焉如天女黃齋綽二墓出於傳疑又不足信其  
取斷碑如巴王卜將軍雖不見史傳然俱著地

名並存廟祀姑用以備數焉

古巴王墓在朱塘鄉今有廟農人墾土得斷碑云彭府君墓在巴王墓南由是知廟下必有墓但不詳巴王爲何時人

唐卜將軍墓在舊州卜山下嘗有人於廟下菜圃朱四郎家得斷碑畧云府君姓卜名珍字文超西河人也春秋六十有六以寶曆元年終塋於崑山西鹿城鄉界卜山禮也銘曰森森古栢



宛轉龍岡孤雲垂蓋日月懸光千秋萬古嗚呼  
夜長

宋郊朝散墓在郡郭韓涇北官路東今夷爲民  
居神道路石柱其存冢上露石碣云三十朝散  
之墓按當是升卿冢今謂其地曰大夫墳內又  
有二壟在賈埏門北

劉龍洲墓在慧聚寺東齋後詳見人物門

### 古蹟

遺蹟所以存古不以其已廢不書惟龍柱及天書已見各條下更不重出

慧聚寺大殿佛像及西偏小殿毗沙門天王像并左右侍立十餘神皆凜凜有生氣塑工妙絕相傳爲楊惠之所作惠之初學畫見吳

道子藝甚高乃更爲塑工遂以能名天下

此像

或又云張愛兒所作龍圖閣學士徐林

雅山

嘗歎其妙而

大殿三世佛已爲庸僧妄加塗飾天王像綵

色亦已故暗乃題殿壁云慧聚寺古塑天王  
予連日觀瞻徘徊不忍去一綵女尤勝絕絕  
與顧愷之畫相類按此寺成於大中年塑者  
得非楊惠之流乎今大殿龍像再加綵畫古  
意已索然予懼無知者又將脂澤汚圭璧使  
唐人遺蹟埽地將歎恨莫及故書以志之初  
寺以此像及山半普賢像與涅槃圖爲山中  
三絕淳熙寺焚殿皆燼惟普賢像爲一僧背

負而逃

慧聚寺殿前二樓曰經臺鐘臺扁皆李後主所題

淳熙寺焚臺亦廢

高麗國進陰陽柘兩株高纔二三尺高宗以賜王綯綯種於永懷寺殿庭之左右寺綯之祖審琦香火院也後柘長高與殿齊每歲左花則右實右花則左實

淳熙間華亭縣君民浚河得一碑云天寶六  
載黃池縣令朱氏墓於崑山縣全吳鄉孔子  
宅之西南今孔宅乃在華亭七十五里海隅  
鄉今其地有孔子廟在惠日寺側淳熙間寺  
踰決渠得寶玉凡六事三壁二環一簪今  
藏之縣庠舊圖經云昔  
有姓孔者遊吳居此華亭元屬崑山豈古  
全吳鄉廣於今耶今崑山全吳鄉無所謂孔  
宅者

栢家澗宋末南渡時水底尚有民家堦礎遺

址此古者民在圩中住居之舊蹟也

野鴨段大泗段湛段及和尚園盛熟園並在  
州西皆田園名或謂之段或謂之園也  
二事並見

郊書  
豈水

崑山郡志卷第一

崑山郡志卷第二

浦城楊諱纂

名宦

嘗觀蘇子作遠景樓記自美其州之俗有近古者三其一謂太守縣令則記錄其行事以爲口實至四五十年不忘予竊謂吾州俗之近古者豈止於三守令書之圖經將傳數千世豈止四五十年而已哉然梁適謝深甫葛洪皆宋宰執

嘗爲令丞尉具見題名而舊志不書於名宦豈無所建置故耶僕今蒐羅史傳自吳以下嘗官於此者一皆補錄以逭簡遠之責云

〔吳〕顧雍字元歎吳郡吳人嘗從蔡邕學琴書謂其必有成致州郡表薦弱冠爲合肥長後轉在婁曲阿上虞皆有治蹟累官至丞相

〔宋〕祖冲之字文遠稽古有機思解鍾律博塞嘗改何承天厯法姚興指南車及造歌器又體



木牛流馬造一器不因風水自運孝武時歷  
婁縣令

梁吳郡陸慶少好學通五經尤明左傳節操甚  
高仕爲婁縣令以善政聞陳天嘉初徵不至  
永陽王欲與相見不往後於其宗人陸榮家  
穿壁得一觀之

陳殷不佞字季卿居喪以孝稱好讀書尤長於  
吏術梁承聖初爲武康令有惠政孝武受禪

除婁令

唐王嵩幽州人王適之父也爲崑山丞

齊融越州人爲崑山令與於休烈賀朝萬包  
融爲文詞之友齊名一時

李宋太宗第十子紀王慎之元孫爲縣令

王綱以大理司直充縣令政務化民始建縣  
學

孟庭份爲尉郊之父也能詩生郊於此後以

詩名於世

擢立爲主簿德輿之從兄敏於學行簿於官  
名德輿嘗作序送之

劉綺莊爲尉研窮今古博考傳記作類書百  
卷行於世名崑山編

宋邊倣雍熙初爲令因舊地新作天子廟自是  
縣學復興時錢氏初納土倣首爲宰而有  
賢行上賜璽書獎勞

梁適字仲賢鄆州項城人顥之子也真宗朝

以獻書授秘書省正字舉進士改太子中

允知淮陽軍官至丞相

按東都事畧未見爲崑山令

張方平景祐初爲令時吳越歸國未久前豪

民占田者多積訟有數十年不決者公召

問所輸租稅幾何大率百纔一二乃悉收

其羨田以賦貧民訟亦息時蔣堂魯守郡

得公所著芻蕘論上之遂薦舉賢良科後

至宰相

韓正彥字師德魏公之姪嘉祐中爲令叛石  
堤䟽斗門作塘七十里以達於郡得膏腴  
田數百頃又請以輸州之賦十三萬從便  
輸於縣鳩作塘餘材爲縣倉以儲之民大  
悅比去遮道以留爲立生祠作思韓記鏡  
石祠下

張漢之爲令其父兩爲憲漕五領郡符而家

極清貧漢之政務寬厚尤緩於索租邑人  
戲爲言曰渠家自來無此故不欲與人索  
也

潘友文字文叔東萊先生之友爲政寬厚慈  
祥愛人俗呼爲潘佛子秩滿爭結綵樓於  
路號曰去思植桃於山題詠甚多

王萬樞韶之曾孫遂之父爲尉得海盜溢格  
吏請出郊以應親獲之文萬樞據實卻之

其有守如此

陳璧字君玉爲主簿留意教養作成士子講  
論勸勉不憚其勞邑人造問者無虛日所  
成就極多

程沂字詠之西洛人文簡翁之曾孫伊川先  
生頤之姪也紹興間以右通直郎知縣事  
爲政中和有古循吏風嘗修縣庠張無垢  
爲記欲鐫之石或謂其託此以諷朝士尋

已之

謝深甫天台人爲丞寧宗朝拜右丞相

葛洪爲尉理宗朝拜僉書樞密院事

項公澤字德潤永嘉人淳祐間自長洲丞辟

宰崑山縣令自李秬滿秩更十三任不以

善去公澤白童科擢第以文學飾吏事留

意學校買田養士爲政廉敏百廢具舉多

所增勑秩滿造朝嘗丞國子宗正知安吉



州

吳堅字彥愷天台人淳祐中爲簿畱意教養  
詣學講肄無虛日以厚風俗正人倫明義  
利開姦邪爲先務在任多所增勦後累登  
清要德佑末年拜左丞相京城降爲祈請  
使入天都

本朝王安貞字吉卿彰德安陽人以中書僉寫  
補浙西帥府掾至元二十九年授將仕郎

浙省理問知事元貞初遷從仕郎台州經歷江浙省答刺罕丞相勾補省掾大德七年改承事郎溫州永嘉縣尹平反張明一等冤獄全活二十三人正偽造鈔曹元三之罪民大悅服至大三年擢奉訓大夫工部主事銜

命江西省拯治錢糧事畢除宣徽院都事  
再

命與速古兒赤哈只必閣赤汪古充深入  
怯魯連迄北計點達達戶計以功陞朝列  
大夫崑山知州旣任適州初遷公衙以下  
百未一具以舊郭民不樂遷所合建置存  
舊營新其所敕置分見各門且善於規畫  
民不知擾始終以教養恤民爲意秩滿改  
授饒州路治中

那懷本蒙古斡吉剌氏泰定初以武德將軍

爲達魯花赤時州遷一紀公廨未建公即募各保里正量其事力分占名項出財營造使人有術民皆樂從且有巧思指畫間架良匠不能踰其度所役夫工皆吏貼及彎卒輩雇覓間用警跡役徒故雖營造成興居民無擾其所新建備具志中先是上司官至器皿鋪蓋悉假於豪民當坊役者不勝勞擾於是以公罰錢造銀器數百事

紳絲襪襦三數十條其適用什物莫不畢  
備名件備見州廳石刻公雖目不知書而  
凡所涉歷終不遺忘敬儒重老人以是推  
之秩滿改授福寧州達魯花赤

姜復昌號漁所宋死節忠臣淮東都統才之  
孫也父文龍歸附後因官居嘉興遂爲嘉  
興人泰定初復昌以敦武校尉爲州判官  
先是知州錢也先伯泛差協濟戶不預定

姓名隨所逮得方填文引農民不敢出市  
下保勾輯在所抗拒殊失官府氣象及公  
蒞任雖居末位出身任事拯治一新及津  
助法行以廉幹摘委與省委官覈實民產  
酌量助役輕重得宜抑強扶弱放免小戶  
里正一百十三名邦民稱頌殆不容口薦  
膺省委覈湖州僧田助役咸愜輿論公循  
常氣貌和粹及政有不便執理力爭辭色

不少假雖長官獷悍亦爲之下性尤不事  
虛飾湖州助役回反此任滿祖帳加倍於  
常皆約以遠日夜潛移舟去士民追餞不  
及而反次倅瑞安亦多政蹟

八資刺字思齊畏吾人民以世祿歷侍儀使  
至元丙子任監州爲政微敏理斷詳審民  
皆懷服疑辭冤訟多所平反性尤好士日  
延接不倦先有愴人睥睨學廩將郡庠諸

生屏斥一空且立石公堂絕其復籍蹊徑  
前監郡德安仁賢有文推誠待士深念其  
冤欲復之以丁艱不果殆公至廟學廢益  
甚躋彼公堂如入無人之境公惻然曰設  
學校以養士風化之本也逐士殷學非盛  
世所宜舉廢興復其有司之責乎即度材  
鳩工遴選廉幹吏王復初典吏陳大年重  
脩文廟鼎建採芹亭彩繪髹漆甃砌版築



不踰時與然一新遂復諸生籍毀黨錮碑  
作起儒風民俗大變復建州廨後堂皆不  
擾而辨工甫畢即解綬去祖悵盈途自樵  
樓至西關不絕士庶攀畱脫靴截鐙幾不  
容去

勃羅帖穆爾字存中號一齋唐兀人氏祖忽  
剌出銀青榮祿大夫湖廣省丞相父徹里  
帖木兒中奉大夫湖廣省叅知政事公以

相門世祿初授承務郎直省舍人陞奉訓  
大夫武備寺丞歷大府監提點至正辛巳  
冬以奉議大夫來爲監州初下車適立都  
水庸田使司開濬河道公受委提調日冒  
風雪罔憚勞苦而以矜恤爲意故民樂於  
趨役不擾而事集尤畱心學校捐貲率先  
置造大成雅樂及成此郡志又嘗施已粟  
拯被火人戶一百餘家適值亢旱公長齋

蔬食曝於烈日以事禱祈因以致疾而不  
憚也暇日則延儒生講論義理擇善而行  
惟恐弗及臨民以仁恕稱美政日聞人皆  
以遠大期之行秉政綱以盡其所蘊

### 封爵

古之封建分茅列土開國承家授之封爵惟崇  
位號而已所以書之者以見國邑之舊也

吳

見三國志

婁侯

張昭輔吳將軍

宋

崑山縣開國侯

□□

崑山縣開國伯

衛涇

端明  
兼參  
樞

崑山縣開國子

范之柔 禮部尚書

崑山縣開國男

衛涇 特左侍郎兼侍讀

鄭準 中奉大夫

鄭疎 奉直大夫

崑山郡志卷第二

崑山郡志卷第三

浦城楊諫纂

進士題名

吾邦人材之盛在宋嘗出大魁科第相望見之  
題名爲鄰邑最中雖更世故然弦誦不輟惟今  
文運肇興郡侯勉勵作成將見名香淡墨歲有  
其人不使文節輩專美於前也

端拱元年程宿榜

龔識默甫殿中侍御史

天聖五年王堯臣榜

龔宗元會之識子都官郎官龔題名石並不見

嘉祐二年章衡榜

郊宣正夫比部郎中

治平二年彭汝礪榜

孫載積中朝議大夫河東通判

熙寧六年余中榜

龔程信民 宗元子

崇寧五年蔡疑榜

龔况濟之

程子祠部員外郎  
二龔題名石並不見

政和五年何棗榜

唐輝子明

禮部侍郎

黃偉時俊 朝奉大夫

政和八年王嘉榜

衛闡致虛 大學博士朝奉大夫



張德本復之

宣和六年沈晦榜

王葆彦光

監察御史

范雱伯達

秘書郎

建炎二年李易榜

唐煜子光

輝弟

朝請大夫

馬友直伯忠

特科宣教郎

紹興二年張九成榜

尤著少蒙

承議郎

紹興五年汪應辰榜

郊升卿師古

宣孫朝散郎知常州

范成象至先

寧兄之子工部郎中

王嘉彥邦美

葆元之子

紹興八年黃公度榜

沈詢嘉問

奉議郎知溫州瑞安縣  
今崇明州西沙

紹興十三年陳誠之榜

嚴煥子文

題名石不見

素鰲可久

陳壽器則

鄭希顏君亞

張之才周美

特科

紹興十五年劉章榜

李衡彥平

侍御史

邊惇德公辨

特舉

第三

通直郎

顧聞彥和特科

紹興二十一年趙達勝

成端亮伯準

紹興二十四年張孝祥勝

陳九思希魯甲科

鄭鎮公玉

范成大至能字子參知政事

樂備功成

將作監簿軍器監簿  
題名石字順之

紹興二十七年王十朋勝

顏度魯子

太常少卿兼權工部侍郎

王萬必大

葆弟

紹興三十年梁克家勝

據槩口云此下有闕

馬先覺少伊

友直孫朝奉郎架閣

隆興元年本待問勝

唐子壽致遠

煇子朝議大夫

郁昇舜舉

趙彥竦欽仲

題名石字德振

趙公高成甫

宣教郎

賀三聘湯輔

宣教郎

袁宗仁壽卿

鰲子書庫官

姚申之崧卿

李廷直世南

成欽亮仲鄰

端亮弟朝奉大夫知峽州

乾道二年蕭國梁榜

葉季亨時質

特科  
題名

石作葉時亨季質

林梓材卿 特舉

乾道五年鄭僑勝

辛機應仲

陳茂膺季實

王邁德遠

陳九德希樂

九思弟  
通直郎

潘孜道任

特科

承議郎賜緋

錢永弼叔憲 特科

乾道八年黃定勝

范之桑叔剛 禮部尚書

范藻德明 成象子  
題名石字孟明

宋光遠民望

趙善遠道卿

秦膺剛和仲 特科

龔明之希仲 特科  
宣教郎賜緋



淳熙二年詹曠勝

張舜卿次夔

之才子

陳宗召景南

禮部尚書

王嘉謀叔明

特科

陸自新德輝

特科  
題名石名自新

胡元佐德懋

特科  
題名石名堯佐

辛元膺應辰

特科

周良臣君顯

特科

淳熙五年姚穎勝

吳仁傑斗南

國子錄

顧澈伯澄

特科

淳熙八年黃由勝

黃真卿元吉

特科

淳熙十一年衛涇勝

衛涇清叔

聞孫

狀元

參知政事

呂伯奮忠甫

夏允中彥執

翁謙天益

李應祥夢龍

顏叔淵養源

特科題名

石不見

張左右民

特科題名

石在十六年

李煜良佐

特科

紹熙元年余復榜

李起宗楊祖

應祥弟題名

石作兄

顏叔玠景珪 度弟之子

趙善遠衛卿 善遠弟  
題名石作兄

顏叔平景晏 度子

陳振震亨 太府寺丞

顏應叔修 度弟  
題名石字仲修

朱起宗元振 特科

胡椿德進 特科

鄭允文元修 續兄  
特科

紹熙四年陳亮榜

張松子觀

慶元二年鄒應龍榜

鄭準器先 中奉大夫

王芹元采 特科  
題名石在慶元三年

慶元五年曾從龍榜

陳貴誼正夫 宗召子  
參知政事

顏叔瑤粹中 叔玠弟

衛沂與叔

潘興嗣顯祖

教陶孫器之  
題名石不見

沈晞顏文仲  
特科

嘉泰二年傅行簡榜

趙絀君善  
直寶章閣

楊沂希黯  
題名石作楊昨世南

沈誠天瑞  
詢孫  
崇明州  
坑冶所  
幹官  
西沙

博學宏詞科一人

陳貴謙益父

嘉泰三年以兩經幸學恩愛土州文學二人

顏叔升景容

度姪  
特科

林溥景仁

開禧元年毛自知勝

江元子朋

朝請大夫

趙汝浮予堃

二人題名石並不見

顏叔瑛器之度姪特科

邊瀛道卿博德子特科

嘉定元年鄭自誠榜

衛洙魯叔涇弟石右司郎題名不見

衛洽晉叔涇弟石字晉卿題名

素宗魯道卿宗仁弟特科

鄭敷王休特科

博學宏詞科一人



陳貴誼正夫 慶元五年進士

嘉定四年趙建大榜

嵇源子長 上舍

呂叔獻恭父 伯奮弟  
特科

胡天選賢卿 特科

嘉定七年素甫榜

衛洙魯叔 涇弟  
再及第

黃必大昌卿

王果卿晞顏 特科

嘉定十年吳潛勝

王圭君玉

嘉定十三年劉渭勝

黃係大和卿 必大弟  
省元

鄭韋文捷 準兄  
特科

嘉定十六年蔣重珍勝

蔡珏珍父 內舍

郁雲景龍

內舍 異姪

黃洙魯叔

特科 題名石字魯卿

紹定二年黃樸榜

郁中正叔

雲弟 異姪 題名石字允叔 內舍

顧然雍叔

特科

沈逢原深甫

特科

郭思義得甫

特科

端平二年吳叔告榜

陳洪泰亨

張弟

第四甲出身

嘉熙二年周坦勝

劉必成興謀

右科狀元

淳祐元年徐儼夫勝

邊應升子用

惇德孫

奏名第三等

淳祐七年張淵微勝

素逢午中甫

宗仁姪

奏名第四等大學

寶祐元年姚勉勝

李特昭進叔第三甲出  
舍選

寶祐四年文天祥勝

邊雲遇龍光應升次子  
第二甲及第

王體文堯章上舍  
第四甲出身

開慶元年周震炎勝

林文龍用雨

景定三年方山京勝

凌萬頃叔度第四甲出身  
直學四請

張喜子明

咸淳元年阮登炳榜

高烈和父

大學前廊釋褐出身  
題名石字建大

宗室覃恩

趙必焄茂可

甲子監請文解  
乙丑銓中出身

郁紹庭繼文

中子雲姪  
夢燭弟兩請  
異姪孫

郁夢蟠敬甫

雲姪中姪  
紹庭兄奏名  
異姪孫

咸淳四年陳文龍榜

徐功甫文敏奏名

崑山郡志卷第三